



# Ukupatikisha no Bunkalwe Mukupanga Icupo

Mu calo ca Australia, mulandu ukupatikisha umuntu nangu ukumucena pakupanga icupo.

Umuntu uwacita uyu mulandu kuti aya kucifungo, cibe mwaume nangu mwanakashi.

Ngacakuti imwe nangu umuntu umbi untu mwaishiba ali mu busanso tumineni ba kapokola pali **000**.

Ba Kapokola mu calo ca Australia bantu abasuma kabili abacetekelwa.

Ngamulefwaya bu mpanda mano ubwa lutu kabili ubwa nkama tumineni ba 1800RESPECT pa

**1800 737 732**.

Ngacakuti mulefwaya uwakumipilibwilako icitundu tumeni pa **131 450**.

## Ubuteko bwa calo ca Australia (Australian Government) tabusuminisha ukupatikisha nobunkalwe mukupanga icupo mumusango uuli onse.

Ukupatikisha nobunkalwe mukupanga icupo kupekanishiwa ukucitikila ku muntu umbi ukwabula ukuti asumine. Ukupatikisha nobunkalwe mukupanga icupo ku mwina mobe nangu lupwa lobe mulandu.

Ukupatikisha nobunkalwe mukupanga icupo musangwa ifi:

- ukupatikisha umuntu uuli onse ukupanga icupo nangu ukucita ifili fyonse ifyapala mukupanga icupo;
- ukupatikisha umuntu ukutamba abantu abalepanga icupo; nangu
- ukupanga icupo nangu ukucita ifipalile kucupo no mwaice.

## Abanakashi balikwata insambu shimo shine nga abaume.

Amafunde mu calo ca Australia tayakwata akapatulula pakati ka banakashi na baume.

Umuntu onse alikwata insambu shakukwata ubwampano ubusuma kabili ubwacingililwa no lupwa lwakwe, ifibusa na batemwikwa bakwe. Umutitikisha tawawama iyo. Takuli umuntu nangu umu uulingile ukusuminisha ukumucusha nangu ukumucena.

## Mwaliba utubungwe utubombela ku lyashi lya ndupwa mu calo ca Australia utwingafwilisha.

**1800RESPECT** kabungwe kamu calo ca Australia akabombela mukupanda amano mu milandu ya kulungana nabantu ku maka elyo no bunkalwe no mutitikisha mu mayanda [Australia's national sexual assault, family and domestic violence counselling service]. Aka kabungwe kalapelako ilyashi lya bumpanda mano ilya lutu kabili ilya nkama pali lanya elyo napa intaneti. Ba mpandamano bakomfwa kuli fintu mulelanda, ukwasuka amepusho yenu elyo nokumituma kumbi uko mwingasanga ubwafwilisho mu ncende yenu.

Tumeni lanya pali **1800 737 732** nangu kabiyeni pe **bula lyapa intaneti** ilyaba **1800RESPECT** pa **[www.1800RESPECT.org.au](http://www.1800RESPECT.org.au)**.

## Bushe ulekabila uwakukulondolwela mucitundu cobe?

Tumineni akabungwe ka Kupilibula no Kwalula Ifitundu [**Translating and Interpreting Service (TIS)**] pa **131 450**. Bakapilibula wa fitundu ukufuma ku (TIS) kuti bamyafwilishako ukupilibula ifitundu lelo tekuti babombele kuli bumpanda mano. Ukutuma kwa lanya konse kwa lutu kabili ukwa nkama.